

# ГОВЬСҮМБЭР АЙМГИЙН НИЙГМИЙН ДААТГАЛЫН ГАЗРЫН 2024 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНЫ ТАЙЛАН

2024 оны 06 дугаар  
сарын 15-ны өдөр

Чойр хот

2024 оны эхний хагас жилд газрын дарга 1, Захиргаа, хяналт, санхүүгийн хэлтсийн дарга-ахлах нягтлан бодогч 1, Хяналт, шалгалтын байцаагч 1, Нийгмийн хамгаалалын хяналтын байцаагч 1, Хүний нөөц, хуулийн мэргэжилтэн 1, Бичиг хэрэг, архив, хөрөнгө хариуцсан мэргэжилтэн 1, Мэдээллийн технологи, сургалт сурталчилгаа хариуцсан мэргэжилтэн 1, Сангийн бүртгэл хариуцсан мэргэжилтэн 1, Хамралт, орлого, шимтгэлийн өр хариуцсан байцаагч 1, Сайн дурын даатгалын байцаагч 1, Тэтгэвэр, тэтгэмжийн хэлтсийн дарга 1, Тэтгэврийн тогтоолт, олголтын байцаагч 1, Тэтгэмжийн тогтоолт, олголтын байцаагч 1, нийт 14 төрийн захиргааны албан хаагч, Үйл ажиллагааны нягтлан бодогч 1 төрийн үйлчилгээний ажилтан 4, үйлчлэгч 1, харуул 3 нийт 4 туслан гүйцэтгэх ажилтан бүгд 19 ажилтан 2 хэлтсийн зохион байгуулалтайгаар үйл ажиллагаа явуулж нийгмийн даатгалын үйлчилгээг аймгийн иргэд даатгуулагчдад хүргэн тэтгэвэр, тэтгэмжийг сар бүр тогтоон олгох, нийгмийн даатгалын шимтгэлийг хугацаанд нь төвлөрүүлэх, өр авлага барагдуулах, шинээр батлагдсан хууль тогтоомжийг сурталчлах зэрэг ажлуудыг гүйцэтгэж ирлээ.

## **Нийгмийн даатгалын сангуудын талаар:**

2024 оны эхний хагас жилийн байдлаар нийгмийн даатгалын шимтгэл төлөгч 223 байгууллагын 5500 заавал даатгуулагч, сайн дурын 885 даатгуулагч нийт 6385 даатгуулагчийг хамруулан нийгмийн даатгалын санд 5 сарын байдлаар 8 324 016,7 мянган төгрөгийн нийгмийн даатгалын шимтгэл оруулахаас 9 518 732,3 мянган төгрөгийн нийгмийн даатгалын шимтгэл төвлөрүүлж төлөвлөгөө 100,0-114,4 хувийн биелэлттэй байна.

Нийгмийн даатгалын сангаас 2024 оны эхний 6 сарын байдлаар 12 173 689,3 мянган төгрөгийн тэтгэвэр, тэтгэмж олгохоос 11 419 843,2 мянган төгрөгийн тэтгэвэр, тэтгэмжийг сар бүр хугацаанд нь бүрэн олгосон байна.

Тэтгэврийн даатгалын санд 678160,7 мянган төгрөгийн шимтгэл оруулахаас 7710853,4 мянган төгрөгийн нийгмийн даатгалын шимтгэл оруулж Өндөр насны тэтгэвэр 2573 иргэнд 10 224 092,2 мянган төгрөг тэтгэврийг сар бүрийн 01-ний өдөр хугацаанд нь бүрэн олгосон байна.

Монгол Улсын Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөний 2.5.5-д “цалин хөлс, тэтгэвэр, тэтгэмжийг инфляц, хөдөлмөрийн бүтээмжтэй уялдуулан үе шаттайгаар нэмэгдүүлнэ” гэж, Монгол Улсыг 2021-2025 онд хөгжүүлэх таван жилийн үндсэн чиглэлийн 3.1.5-д “нийгмийн даатгалын сангийн болон халамжийн тэтгэвэр, тэтгэмжийг 2024 оны 04 дүгээр сарын 01-ний өдрөөс 100,000 мянган төгрөгөөр нэмэгдүүлэх ажлыг зохион байгуулахаар 2024 оны 03 дугаар сарын 28-31-ний өдрүүдэд хэлтсийн байцаагч нар түргэн шуурхай зохион байгуулан 04 дүгээр сарын 01-ний өдөр тэтгэврийг нэмэгдсэн хэмжээгээр бүрэн олгож ажиллаа.

Тэтгэмжийн даатгалын санд 707558,2 мянган төгрөгийн шимтгэл оруулахаас 815508,9 мянган төгрөгийн нийгмийн даатгалын шимтгэлийн орлого оруулж сангаас 685 228,7 мянган төгрөгний зарлагыг гаргасан байна. байна.

Хөдөлмөрийн чадвар алдсаны тэтгэмж, Жирэмсэн амаржсаны ҮОМШӨ-ний ХЧТА тэтгэмжүүдийг цахимаар хүлээн авч, хянан баталгаажуулан түргэн шуурхай үйлчилгээг иргэд даатгуулагчид хүргэн ажиллаа.

ҮОМШӨ-ний даатгалын санд 560864,6 мянган төгрөг оруулахаас 832267,6 мянган төгрөг шимтгэлийн орлого оруулж даатгалын санд төвлөрүүлэн ажиллаа.

Ажилгүйдлийн даатгалын санд 273973,2 мянган төгрөгийн шимтгэл оруулахаас 160102,0 мянган төгрөг тус тус оруулсан байна.



### **Эрүүл мэндийн даатгалын сан**

Эхний 5 сарын байдлаар эрүүл мэндийн даатгалын санд 1 762 156,5 мянган төгрөгийг төвлөрүүлж, орлогын төлөвлөгөөг 110 хувь биелүүлэн ажиллаа.

### **Нийгмийн даатгалын шимтгэлийн авлага барагдуулалтын талаар:**

2024 оны эхний үлдэгдэл авлагыг барагдуулах НДЕГ-ын даргын энэ оны А/64 дугаар тушаалаар өгөгдсөн үүрэг даалгаврын дагуу Газрын даргын 2024 оны 05 дугаар сарын 16-ны А/16 дугаар тушаалаар 7 хүний бүрэлдэхүүнтэй авлага барагдуулах ажлын хэсгийг томилон, баталсан төлөвлөгөөний дагуу өртэй ААНБайгууллагуудыг ажлын хэсгийн гишүүдэд хуваарилан хариуцуулж 14 хоног тутам үр дүнг тооцон ажилласнаар оны эхний 5 сарын нийгмийн даатгалын шимтгэлийн орлогын төлөвлөгөөг сар бүр биелүүлэн нийгмийн даатгалын санд 1 128 088,0 мянган төгрөгийг төвлөрүүлээд байна.

2023 онд үүссэн авлагын насжилтийг шинэчлэн гаргахад 120 хоногийн насжилттай 31 аж ахуй нэгжийн 4240121,5 мянган төгрөг, 120 хоногоос дээш насжилттай 42 аж ахуй нэгжийн 7760114,6 мянган төгрөгийн нийт 73 байгууллагын 8184236,2 мянган төгрөгийн хуримтлагдсан авлага байна.

Авлага барагдуулах ажлын хүрээнд 58 аж ахуй нэгжийн байгууллагуудын удирдлага, санхүүгийн албатай уулзалт зохион байгуулж 2 байгууллагатай гэрээ байгууллаа. /Шивээ-Овоо ХК, Тэнүүн сондор мед ХХК төлөх өрийн хуваарийг батлан хэрэгжилтэнд хяналт тавин 7, 14 хоногоор үр дүнг тооцон ажиллаж байна/

Иргэний хэргийн анхан шатны шүүхэд 4 байгууллагын 208400,1 мянган төгрөгийн авлагыг Шүүхийн байгууллагад хүргүүлэн шийдвэрлүүлж байна. /Чойрхайрхан-195,0, Арвижих-Оюу-8,0, Сүмбэр шүтээн-3,3, Түшигчойр констракшн-2,1/

Шүүхийн шийдвэр гүйцэтгэх байгууллагад авлага барагдуулахаар 2 байгууллагын 139941,0 мянган /Чойрхайрхан-93,0 Говьгео-46,9/ төгрөгийн авлагыг барагдуулахаар хамтран ажиллаж байна.

Өмнөх оны нийт авлагын 89%-ийг буюу 7300612,2 мянган төгрөгийг Шивээ-Овоо ХК дангаараа эзэлж байгаад дүгнэлт хийж Нийгмийн даатгалын ерөнхий газрын төлөвлөгөөт Хяналт шалгалтын ажлын ахлах н.Наранцэцэгээр ахлуулсан шалгалтын ажлын бүрэлдэхүүнтэй компаний удирдлагын уулзалт хийж өр төлөх хуваарьт өөрчлөлт оруулан газар дээр нь нөхцөл байдалтай танилцан өр үүссэн шалтгаан барагдуулах арга замын талаар тодорхой ойлголт, үр дүнд хүрч ажиллахаар боллоо.

Авлага барагдуулах ажлын хүрээнд 2024 оны 6 дугаар сарын 10-ны байдлаар оны эхний авлагаас 37 байгууллагын 571420,8 мянган төгрөгийн өрийг барагдуулан ажиллаа. Хуримтлагдсан авлага 6,9 хувиар буурсан үзүүлэлттэй байна..

### **Нийгмийн даатгалын хамрагдалтын талаар:**

Сайн дурын даатгалын хамралтыг нэмэгдүүлэх зорилтын хүрээнд Сүмбэр, Баянтал, Шивээговь сумдын хөдөөгийн 4 багийн өдөрлөгт оролцон 225 малчин иргэнд нийгмийн даатгалын ач холбогдол, хууль тогтоомжийн талаар зөвлөгөө мэдээлэл өгч ажилласан.

Монгол Улсын Засгийн газрын хэрэгжүүлж буй Шинэ хоршоо хөдөлгөөнөөр орон нутагт шинээр байгуулагдан үйл айл ажиллагаа эхлүүлсэн 25 хоршооны малчдад нийгмийн даатгалын хууль тогтоомж заавар журмыг таниулцуулан, нийгмийн даатгалд сайн дураар 31 малчинг хамрууллаа. Цаашид малчдын сайн дурын даатгалын хамрагдалтыг нэмэгдүүлэх зорилгоор ХХААГазар, ХХҮГ-ын малжуулах төслийнхөнтэй хамтран ажиллаж байна.

- 2024 оны эхний 6 сарын байдлаар 100 иргэнийг шинээр нийгмийн даатгалын сайн дурын даатгалд хамрууллаа. Дээрхи даатгуулагчдын ангилан харуулбал:

- Малчин даатгуулагчийн тоо-45

- Энгийн СДД тоо -10

- 0-3 настай эхчүүдийн тоо-30

-Хөгжлийн бэрхшээлтэй хүүхдээ асарч буй эх-15 байна.



Нийгмийн даатгалын хамралтыг нэмэгдүүлэх, даатгалд бүртгүүлээгүй аж ахуйн нэгжийг нийгмийн даатгалд хамруулах чиглэлээр газрын даргаар батлуулсан төлөвлөгөөг хэрэгжүүлэн ажиллаж байна. Аймгийн хэмжээний шимтгэл төлөгч ажил олгогчийн судалгааг гаргаж, шинээр хамруулах боломжтой ажил олгогч 8 байгууллагад улсын байцаагчийн албан шаардлага хүргүүлж Нет капитал, Нинжбөлгөө, Суутбуян зэрэг 6 ажил олгогчийг шинээр нийгмийн даатгалд хамрууллаа.

- Ажил олгогчийн тоо-6  
Даатгуулагчийн тоо-16

**Хяналт шалгалтын ажлын талаар:**

2024 онд хяналт шалгалтын баталсан төлөвлөгөөний дагуу 15 аж ахуй нэгжийн үйл ажиллагаанд нийгмийн даатгалын хууль тогтоомжийн хэрэгжилтийг шалгаж 10 аж ахуй нэгжид улсын байцаагчийн 7161,0 мянган төгрөгийн төлбөрийн акт тогтоон бүрэн барагдуулсан байна.

Монгол Улсын Засгийн газрын 2023 оны 420 дугаар тогтоолоор баталсан “Салбарын хяналт шалгалтын 2024 оны төлөвлөгөө” -ний дагуу Салбарын улсын ерөнхий байцаагчийн баталсан 2024 оны 13-07/08 дугаар “ Үйлдвэрлэлийн осол, мэргэжилээс шалтгаалсан өвчний даатгалын санд урьдчилан сэргийлэх хяналт шалгалт хийх тухай” удирдамжийн дагуу Монгол улсын “Төрийн хяналт шалгалтын тухай” хууль, “Нийгмийн даатгалын тухай” хуулиуд болон тэдгээртэй нийцүүлэн гаргасан дүрэм, журмын хэрэгжилтэд хяналт тавих, Үйлдвэрлэлийн осол мэргэжлээс шалтгаалсан өвчний даатгалын сангийн үйл ажиллагаа, орлого бүрдүүлэлт, зарцуулалтын чанар, үр дүнд үнэлгээ, дүгнэлт өгөх, илэрсэн зөрчил дутагдлыг арилгуулж, мэргэжил арга зүйн зөвлөгөө өгч, цаашид авах арга хэмжээний саналыг боловсруулах зорилгоор Говьсүмбэр аймгийн Нийгмийн даатгалын газрын Үйлдвэрлэлийн осол мэргэжилээс шалтгаалсан өвчний даатгалын сангийн 2021-2023 оны санхүүгийн баримтанд тулгуурлан хяналт шалгалтыг хийсэн.

Шалгалтаар 2021-2023 онд Үйлдвэрлэлийн осол, мэргэжлээс шалтгаалсан өвчнөөс урьдчилан сэргийлэх сургалтыг зохион байгуулж бусдаар гүйцэтгүүлэхдээ зөвхөн 1 байгууллагыг 3 жил дараалан сонгож байгаа нь ашиг сонирхолын зөрчил үүсэхгүй гэх газаргүй учир цаашид сонголтыг өөрчилөх

Шинээр хэрэгжиж байгаа Нийгмийн даатгалын хууль холбогдон гарч байгаа журам, дүрмийг хэрэгжүүлэх, иргэд даатгуулагчдад хүргэх, сурталчилах ажил хангалтгүй байгаад анхаарч ажил сайжруулах ажлын төлөвлөгөө гарган хэрэгжүүлэх.

ҮОМШӨ-ий даатгалын сангаас Хөдөлмөрийн чадвар алдалтын тэтгэврийг олон жил авч байгаа даатгуулагчид шинэ батлагдсан хуулиар өндөр насны тэтгэвэр тогтоолгоход тэтгэврийн хэмжээ буурахгүй болохыг ойлгуулсаны дагуу тэтгэврийн нөхцөлийг солих /шалгалтын явцад 3 даатгуулагчд хуулийг таниулж ХЧАТэтгэврийг зогсоон өндөр насны тэтгэвэрийг шинээр тогтоосон/

ҮОМШӨ-ий даатгалын сангаас тэжээгчээ алдсаны тэтгэвэр авч байгаа иргэдийн тэтгэврийг 5 жилээр цалинг өөрчилөх өргөдлийг гаргуулан 2024-06-01-нээс 3 даатгуулагчид 500,0 мянган төгрөгийн тэтгэврийн зөрүүг олгосон.

Дотоод хяналт шалгалтаар 2024 онд шинээр тогтоосон 72 тэтгэврийн, ХЧТА 354 тэтгэмжийн, ЖА-н 127 даатгуулагчийн тэтгэмжийг, ажилгүйдлийн тэтгэмж авагч 260 даатгуулагчийн тогтоолт олголтонд дотоод хяналт шалгалтыг хийж, тэтгэвэр, тэтгэмжийг олгох ажлыг зохион байгуулан газрын даргад танилцуулан ажиллаа.

**Дотоод болон гадаад сургалтын талаар:**

Төрийн албаны зөвлөлийн Говьсүмбэр аймаг дахь салбар зөвлөлөөс аймгийн нийт төрийн 2024 оны 01 сарын 1-нээс хэрэгжиж эхэлсэн Нийгмийн даатгалын багц хуулийг аймаг орон нутагт сурталчилан 228 ажил олгогч, 6200 даатгуулагчийг хамруулан багц хуулийн хэрэгжилтийг ханган ажиллаж байна. Шинэ хууль батлагдсантай холбогдуулан гарсан дүрэм, журам заавруудыг үйл ажиллагаандаа мөрдлөг болгон хэрэгжүүлж, нийт ажил олгогч даатгуулагч, иргэдэд сурталчилан таниулах мэргэжил арга зүйгээр хангах ажлуудыг хийж ирсэн.



Энэ оноос системийн хэмжээнд нэвтэрч байгаа Sicos программ хангамжийг өдөр тутамын үйл ажиллагаанд нэвтрүүлэн дээд байгууллагаас ирүүлж буй шинэчлэл, өөрчлөлтийг тухай бүр хугацаанд нь гүйцэтгэж, үүрэг даалгаврыг биелүүлэн хэвийг ажиллах нөхцөл боломжийг аймгийн хэмжээнд бүрдүүлэн гарч буй хүндрэл бэрхшээлийг тухай бүрэн шийдвэрлэн ажил олгогч, иргэд, даатгуулагчдад нөхцөл боломжийг ойлгуулан нийгмийн даатгалын үйлчилгээг түргэн шуурхай хүргэх ажлыг зохион байгуулж, удирдлагаар ханган шийдвэрлэж ажиллаа.

Орон нутгийн Говьсүмбэр телевизтэй хамтран газрын үйл ажиллагааны танилцуулга, 2 удаагийн нэвтрүүлгийг 4 удаагийн давтамжтайгаар цацаж ажилласан.

Нийгмийн сүлжээгээр 17 төрлийн постор, мэдээ мэдээллийг оруулж 51 удаагийн давтамжтайгаар түгээж ажиллаа. Хандалтын тоо 1700 гаруй байна.

Нийгмийн даатгалын ерөнхий газраас зохион байгуулж байгаа шинэчилсэн хуулийн сурталчилгаа богино хэмжээний видео бичлэгийг Өмнөговь аймгийн Нийгмийн даатгалын газартай хамтран цахим сүлжээнд түгээн ажилласан байна.

Нийгмийн даатгалын цахим үйлчилгээний талаар богино хэмжээний 4 контент бэлтгэж аймгийн хууль зүйн хэлтсийн контент оролцлоо.

#### ***Авлигын эсрэг арга хэмжээний талаар:***

Газрын 2024 онд шинээр ажилд томилогдон ажиллаж байгаа 2 ажилтнууд болон хэлтсийн нийт ажилтан албан хаагч нарт Нийгмийн даатгалын байгууллагуудын үйл ажиллагаа, ажилтнуудын ажлын байрны тодорхойлолт, байгууллагын дотоод журам, Төрийн албаны болон НДБХууль, төрийн албан хаагчдын ёс зүй, харилцаа хандлага, хуулиар олгогдсон эрх үүрэг, авлигаас ангид байх сэдэвүүдээр 2024 оны 03 сард дотоод сургалтыг зохион байгуулан явууллаа.

Сул орон тооны захиалгыг улирал бүр ил тод байршуулан мэдээ мэдээллийг аймгийн ТАСЗөвлөлд тухай бүр хүргүүлэн 2024 оны 03 дугаар улиралд сул ажлын байр зарлуулахаар бэлтгэл ажлыг хангаж байна.

Газрын иргэдэд үйлчлэх зааланд “Нийгмийн даатгалын хэлтсийн үйл ажиллагаа, байцаагч ажилтнуудын харилцаа хандлага, ёс зүйтэй холбоотой санал хүсэлтээ Нийгмийн даатгалын хэлтсийн 91111063, Нийгмийн даатгалын ерөнхий газрын /11/ 31-11-31 дугаарын утсанд хандана уу. Гэсэн зурагт самбар байруулан санал, мэдээллийг авахаар байрлуулан ажиллав.

Хэлтсийн Гэмт хэргээс урьдчилан сэргийлэх самбар, Санхүүгийн мэдээллийн самбаруудад “Авлигагүй нийгмийн төлөө хамтдаа”, “Авилгын эсрэг нэгдье”, “Олон улсын авлигын эсрэг өдөр 12 сарын 9” зэрэг зурагт хуудас байрлуулан үйлчилгээ авагч иргэдэд авлигын эсрэг ажиллагааг түгээн сурталчлав.

Төрийн захиргааны 5 алба хаагч Гүйцэтгэлийн төлөвлөгөөнд авлигын эсрэг хуулийн, дотоод болон гадаад сургалт, хэлэлцүүлэгт хамрагдах заалтуудыг оруулан мөрдүүлж улирал бүр хэрэгжилтийг тайлагнуулан гүйцэтгэлд тавих хяналтыг тогтмолжууллаа.

2024-04-29-нд АТГазар, аймгийн Төрийн албаны салбар зөвлөлийн хамтрсан төрийн албан хаагчдыг чадвахжуулах “Төрийн албан хаагчийн ёс зүй, авлига ашиг сонирголоос урьдчилан сэргийлэх нь” сэдэвт сургалтанд хэлтсийн ТЗахиргааны 6 албан хаагчийг хамруулав.

АТГазраас УИХ-аас шинэчлэн гаргасан тогоолыг хэрэгжүүлэх цахим сургалтанд ЭБАТ Б. Аюушжав хамрагдан шинээр хэрэгжих тогтоолын дагуу өөрчилөгдсөн журам, маягтуудыг хэлтсийн ТЗахиргааны 6 албан хаагчийг мэдээллэр хангав.

-НДЕГ-ын Хяналт шалгалтын газраас 3 байцаагийн бүрэлдэхүүнтэй ажлын хэсэг тус газрын үйл ажиллагаа, сангийн орлого, зарлагын гүйцэтгэл, ажилтнуудын ажил гүйцэтгэж буй байдал авилга ашиг сонирхолын байдалд зэргийг хамруулсан хяналт шалгалт хийж авилгаас ангид байх, болон ажил мэргэжлийн шалган зааварлах ажлыг нийт ажилтнуудад 5 дугаар сард зохион байгуулан мэдээ мэдээллээр хангаж ажиллаа.

#### ***Эрүүл мэндийн магадлалын зөвлөлийн талаар:***

2023 оны 1 дүгээр сарын 01-ний өдрийн байдлаар 521 хөгжлийн бэрхшээлтэй иргэн мэдээллийн баазад бүртгэлтэй байснаас тайлант онд шинээр 37 иргэний хөдөлмөрийн чадвар



алдалтын хувь тогтоож, 4 иргэн шилжин ирж, хөдөлмөрийн чадвар сэргээгдсэн болон өндөр насны тэтгэврийн насанд хүрсэн 17 иргэнийг цуцалж өөр аймаг орон нутгаас 5 иргэн шилжин ирж оны эцсийн байпдаар 540 иргэн хөдөлмөрийн чадвараа алдан хувь тогтоолгож нийгмийн даатгал, халамжийн сангаас тэтгэвэр тогтоолгон авч байна. 2023 онд нийт 260 иргэний хөдөлмөрийн чадвар алдалтын хувь, хугацааг сунгаж 26 удаагийн хурлыг зохион байгуулан ажилласан.

ЭММСалбар зөвлөлийн гишүүдэд авлигын эсрэг хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулиудын талаар 2 удаагийн сургалтыг зохион байгуулан 9 гишүүн хамрагдсан. Дотоод хяналт шалгалтаар болон Төв зөвлөлийн шалгалтаар мэдээллийн сангийн цахим системд хяналт шалгалтыг хийж шалгалтаар алдаа зөрчил дутагдал илрээгүй болно.

#### **Газрын үйл ажиллагааны талаар:**

2024 оны эхний 5 сарын байгууллагын үйл ажиллагааны батлагдсан 274 259,1 мянган төгрөгийн зардлыг захиран зарцуулахаас 237 395,9 мянган төгрөгийн зардалыг зориулалтын дагуу зарцуулан ажиллаа.

Ажилтнуудын цалин, нэмэгдэл, хөнгөлөлт, урамшуулалд 156 777,1 мянган төгрөг, нийгмийн даатгалын шимтгэлд 18 289,6 мянган төгрөг, төрийн захиргааны албан хаагчийн хөдөө орон нутагт тогтвортой ажиллуулах тэтгэмжид 27 135,8 мянган төгрөг, ажилтнуудын нийгмийн баталгааны болон ахмад настнуудын буцалтгүй тусламжид 1936,0 мянган төгрөг, байгууллагын байр ашиглалтын зардалд 28 661,1 мянган төгрөг, Бичиг хэрэг, тээвэр шатахуун, шуудан холбооны зардалд 2 778,8 мянган төгрөг, урсгал засварын зардалд 2 041,8 төгрөгийг тус тус батлагдсан зардал ангилал, зориулалтын дагуу хэмнэлтийн хуулийн хүрээнд үнэн зөв хэмнэлттэй зарцуулан ажиллаа.

2024 оны үйл ажиллагааны батлагдсан төсвийг сар, улирлаар хуваарилсан эрхийн дагуу төсвийн хэтрүүлэлтгүйгээр хэмнэлттэй зарцуулж байна. Зардлын ангилал хооронд сольсон хэтрүүлэн зарцуулсан санхүүгийн зөрчил гаргаагүй болно.

Ажиллагсад болон байгууллагын үйл ажиллагаатай холбогдон гарсан өр авлага үүсээгүй болно.

2024 оны эхнээс сар, улирлын санхүүгийн тайлан мэдээг хуульд заасан хугацаанд бүрэн хүргүүлж ажилласан. Нийгмийн даатгалын сангийн мэдээ 6 удаа, Үйл ажиллагааны зардлын зарцуулалтын мэдээ-6 удаа 1 дүгээр улирлын үйл ажиллагааны тайланг 3 дугаар сарын 15-ны дотор тус тус гаргаж хүргүүллээ.

Төрийн болон орон нутгийн өмчийн тухай хуулийн дагуу 2024 оны 06 дугаар сарын 10 өдөр газрын даргын тушаалаар ажлын хэсэг байгуулагдаж хагас жилийн үндсэн хөрөнгийн тооллого хийсэн. Тооллогоор байгууллагын барилга байгууламж 672040723 мянган төгрөг, 36 төрлийн тоног төхөөрөмж 29391526.52 мянган төгрөг, 76 төрлийн тавилга эд хогшил 6320584.56 мянган төгрөгний нийт 733717667.49 мянган төгрөгийн үндсэн хөрөнгө тоологдон үйл ажиллагаандаа ашиглаж байна.

ГОВЬСҮМБЭР АЙМГИЙН НИЙГМИЙН  
ДААТГАЛЫН ГАЗРЫН ДАРГЫН АЛБАН  
ҮҮРГИЙГ ТҮР ОРЛОН ГҮЙЦЭТГЭГЧ



О.БАЙГАЛЬСАЙХАН